

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

史部
第九〇冊

責任編輯：孫言誠 賀 偉

ISBN 7-5333-0535-3



EB98/06

四庫全書存目叢書·史部九〇

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 42.625 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第九〇冊目次

史部・傳記類

台學源流七卷

〔明〕金貫亨撰
上海圖書館藏清同治刻本

一

新安學繫錄十六卷

〔明〕程瞳輯
泰州市圖書館藏明正德程啓刻清康熙三十五年綠蔭園重修本

二四

吳郡二科志一卷

〔明〕閻秀卿撰
上海圖書館藏明正德嘉靖間陽山顧氏家塾刻顧氏明朝四十家小說本

一二九

明璫彰瘴錄一卷

〔明〕顧爾邁撰
揚州市圖書館藏清鈔本

一三九

革朝遺忠錄二卷附錄一卷

〔明〕郁哀撰
南京圖書館藏明嘉靖杜思刻本

一五八

皇明名臣言行錄前集十二卷後集十二卷

〔明〕徐咸輯
上海圖書館藏明嘉靖二十八年施漸刻本

二一一

毘陵忠義祠錄四卷附錄一卷

〔明〕葉變輯
上海圖書館藏清鈔本

三七五

毘陵正學編一卷

〔明〕毛憲撰

山東大學圖書館藏明嘉靖四十一年刻古庵毛先生文集附

四二七

畜德錄一卷

〔明〕陳沂撰

陝西省圖書館藏明鈔國朝典故本

四三七

廣州人物傳二十四卷

〔明〕黃佐撰

清華大學圖書館藏清道光十一年南海伍氏粵雅堂文字歡娛室刻嶺南遺書第一集本

四四三

建寧人物傳四卷

〔明〕李默撰

北京大學圖書館藏明嘉靖十七年李東光刻本

五八六

台學源流七卷

〔明〕金貢亨撰

上海圖書館藏清同治刻本

附《四庫全書總目·台學源流

七卷》提要

台學源流總目

卷一

徐真定車行 徐溫節庭筠 陳宗正貽範

羅提刑道

卷二

石克齋營 應良齋恕 徐竹溪大受

卷三

林筠州龍 林艸廬鼎 趙訥齋師淵

趙判府師野 趙遠庵師夏 杜南湖夢

杜方山知仁 潘典教時舉 林叔恭怡

台學源流 總目 一 附錄 文獻

郭正肅嘉卿 杜賢道 池進士從周

吳謙齋梅崇 趙然道師雍 趙詠道師藏

杜清獻純

卷四

王石潭賁 胡思齋常 戴泉溪良齋

卷五

車玉峯若水 黃壽雲超然 周大學敬孫

陳古堂天瑞 楊簡齋珏 楊樵寄琦

卷六

戴蠡翁亨 楊浦城明復 董克齋楷

卷七

郭暢軒撰

方遜志

附元卷選

台學源流

總目

二

台學源流原序

台古荒城也歷漢及吳二三君子始以幽操貞忠有聞當世晉唐之際節概文章之士亦班班見典籍而未聞有所謂聖賢之學者逮宋治平宣和間有二徐先生者出乃始傳胡氏學為邦人宗紫陽朱夫子大書其墓而以道學傳千古稱之于是二先生名川益顯播紳學士若更耳目而別有所見聞已而石克齋子重潛心伊洛納交晦庵庵其徒杜良仲輩往師之若昔之徽皐比者于是有識之士覲望市趨惟不獲朝夕考亭是懼當時飲河充量者凡若干人宋太史

台學源流原序

景濂氏稱晦庵傳道江南而台特盛豈其無徵也哉聞若趙然道昆弟則又兩遊朱陸之門者也晦庵從魯齋王氏至吾台人見魯齋如見晦庵受琢成者又若干人自是考亭之學遞相傳授迄于今不衰此其功也嗟乎台一也而產英毓賢後先頗殊若此豈斯道在人有明斯和元氣之會不屯極不大亨邪夫安定一師也紫陽一師也魯齋王氏又一師也其為教與吾邦諸賢之所以學其同與隨所見而見焉隨所趨而趨焉未敢必其同也其不同與豈是以聖人為宗者也取權衡于吾心觀低昂于洛學庶幾其不夫

哉昔遜志先生有云前人之弗傳後死者之責也欲
紀載一書爲鄉閭法式不幸不果作吾友竹江趙君
淵欲嗣爲之亦復齎志以沒嘉靖戊申春莫余往寓
竹江某側之小軒者信宿適暢然有感不揣荒陋遂
歸圖之咨者宿考傳志搜剔遐邇凡十有八月而書
成名之曰台學源流用見山海之區迭沾大賢之化
爲邦人幸用見我台之多賢俾後之人有所觀法而
因流溯源以不迷于其趨且以成先正之志修後死
之責云爾是編也爲卷七爲傳三十有八其疑而莫
考者又十有五人類附姓名以俟竊復于各卷之末
台學源流 序 二 薛文輝
綴以鄙言并用取正于有道君子云歲已酉秋八月
乙巳後學臨海金貞亨謹書

台學源流卷之一

臨海金貞亨撰

徐真定 徐溫節 陳宗正 羅提刑

徐真定名中行字德臣臨海人幼入鄉校有雋聲其
父賢而知教比長遣之遠近求師因至京謁范忠宣
公公薦之司馬文正公文正謂斯人神清氣和可與
進道他日不爲國器必爲儒宗已而聞胡安定講道
蘇湖而心慕之會其徒劉幾于邸舍得所授經熟讀
精思夏不扇冬不爐夜不安枕者踰年乃歸葺一室
竟日危坐所造詣人莫測也誦先聖書必冠帶開卷
有會意處錄諸壁而時玩味焉閉門却掃歲或一出

台學源流 卷之一

薛文輝

識與不識皆知其爲安定後學也居父喪哀毀逾禮
躬耕養母推其餘力葬內外親及州里貧無後者十
餘喪遠近來學者日益衆其爲教必自灑掃應對窮
理修身以達乎治國平天下曾循其序以不失其性
而後已故其弟子仕者多循良處者亦修潔其友羅
提刑適嘗舉以自代又率部使者以遺逸薦崇寧中
李守諤又以八行薦明季僚吏安事禮遺終不就時
章蔡竊國柄黨逐善類先生每聞輒泣下于是去之
黃巖盡毀所爲文變易冠服徜徉委羽山中樂其所
自得者終身焉及卒門人尊之曰真定先生陳忠肅

公瑾錄其行事比之山陽徐仲車子庭槐庭蘭皆有

父風庭筠克世其學云

見宋史邵昌志赤城前後集卷之十

徐溫節名庭筠字季節真定先生第三子自幼有高

識服父訓師慕洛學讀書不事章句必體諸身終日

危坐無惰容夕不寢不脫巾且必巾而後起事父兄

孝友天至居喪毀甚服闋猶自傷不忍娶者十餘年

事無細大必誠必敬接人無貴賤必和必恭與人言

必依于仁義忠信朋友有過面責不少假借小夫賤

類一善可取稱贊不容口平生潛德彌弼若無能者

嘗曰君子爲善無愧于心而已非求人知也時秦檜

台學源流

卷之十

三編孫文粹

當國科場試中興歌頌先生嘆曰今日豈歌頌時邪

條其未足爲中興者五見者尤之則曰吾欲不妄語

而敢欺君乎自是試輒不利終不變所守以求合有

詔舉人凡五上春官者與蘇廟先生適應格所親戚

勸之則曰吾嘗草封事謂蘇廟冗食無用雖不果上

心既非之可勇蹈耶乃深衣幅巾放迹田里終身不

復至城府僦居六十年泰然不以爲憂邑長援洛人

獻地康節故事欲率錢爲買田廬又欲築宮田宅之

善者歸之皆笑而不顧嘗咏竹有云未出上時

節使凌雲去也無心其風致可想見矣尤守

名遺書禮之一日巾車歷訪舊遊徜徉幾月歸感微

疾及草語其子曰吾惟不欺心一語佩之終身汝宜

念之語畢端坐而逝年八十有五門人尊之曰溫節

先生石南康子重誌其墓稱先生窮居海嶠無所師

承而德性精明學術淳正施諸言動舉合節度可謂

特立獨行之君子矣淳熙間晦庵朱子以常平使者

行部聞其父子之賢特拜墓下大書以表口有宋高

士二徐先生之墓又輓以詩有道學傳千古東甌說

二徐之語由是二先生之名益以重台學之盛實權

輿于此云

見宋史文公詩集赤城前後集

台學源流

卷之十

三編孫文粹

陳宗正名貽範字伯模臨海人治平四年進士嘗遊

安定先生之門又師事陳古靈而與羅提刑爲友歷

宗正丞通判處州民懷其德有遺不拾遺劍月照處

州城之營城食田數十畝以輸學校于是有司及

閭閻好義者相繼增給士賴以養好聚書有頴川慶

善樓藏書目錄二卷在中興館閣所著詩文名曰慶

善集第貳叙字叔倫先一年登第官終湖南運判以

文鳴爲樞東坡曾南豐所知予師純師聖中八行從

子克爲刪定官鄉里之變不屈而死人謂先生化行

其家如此

見赤城志卷之十

羅提刑名適字正之寧海人自咸童時好讀書鄉無
文籍從鄉先進朱絳得論語毛詩皆無註解手寫讀
之尚未知義理之辨陳有二僧智賢禹昭以儒釋二
家自負不少下人先生因與之遊假其書叩其論議
浸淫開發間此達彼乃知聖賢之門墻有可入者於
是尋師訪友以卒所業與徐德臣陳伯樸相友善得
聞安定之教故其學術有本末通乎世務登治平三
年進士爲江都令以誠心爲治恥言鈞鉅惠文之事
民有訟曲直決于前不以屬吏誣誤若小過輒誨諭
遣去視鯢寡孤獨之失其所者如已致之黎明視事

台學源流

卷之一

四裔孫文輝

入夜猶未已居數月政化大行民知其長者不忍欺
每郊行召父老問以疾苦及所願欲罷行之既去民
思之不置立生祠于召埭謂召伯並傳先生嘗兩被
見皆以不合罷歸及提點兩浙京西刑獄行部臨海
臨海人潘師孟以道義自高先生造其廬命僕扶之
納四拜又爲賦臬享有交情長在目隔岸數峯青之
句其尚賢忘勢如此尤守素爲立祠于學與陳侍郎
公輔陳啓事長翰並祀方遜志語邑先達每以先生
爲稱首所著易說文集藏于

志

見郡志寧海永樂院記
淮海集赤城前後集選

右四先生皆傳安定之學者安定之爲教曰躬行
實曰稽古愛民伯樸正之斯其無愧也若與二
徐則所自得者居多其危坐靜修深潛篤信益
亦駭嘆乎伊洛軌轍矣惜乎真定先生生與二
程同時而南北不相親耳昔孫應時狀季節謂
其師慕洛學其信然乎

台學源流卷之一終

裔孫汝垣校字

五裔孫文輝

台學源流卷之二

臨海金黃亨撰

石克齋

應良齋

徐竹溪

石克齋名熟字子重其先新昌人大父公孺始遷臨海先生自少端慤營生不群及長刻意為學從舅氏陳公良翰遊後與晦菴朱子交好彌篤晦菴嘗稱其論仁之體用甚當以此意推之古今聖賢之意歷歷可見無一不合竊願與長者各盡力于斯又謂心說其善但恐更須收歛造約為佳爾又謂敬字之說深契鄙懷且云和篇拜賜甚寵足見比來胸中灑落如光風霽月氣象又云尊兄精思明辨如此學者益有賴

台學源流 卷之二

一高孫文澤

矣先生以紹興十五年進士歷四縣差監登聞鼓院知南康軍累遷太常主簿卒年五十有五晦庵誌其墓又稱其外和內剛平居恂恂若不能言者而遇事有所斷毅然有不可犯之色事繼母處兄弟孝友備至賑貧恤孤思及道路棄子聞人之善必手記而心慕之其人可見雖少賤僻遠不憚也其為政一至于愛民而憂國之心甚切在州縣未嘗屈意上官在朝廷未嘗違諍當路由疎賤一旦見天子盡言竭忠未嘗為迂迴避就之計晚名共燕居之室口克齋讀書其間沒身不懈後生執業就正者多賴以知歸方面君

未嘗少自足也其始終見重于晦庵者如此陳賢憲耆卿修郡乘謂里人自克齋知有洛學吳荆溪子良作六賢祠記獨于先生稱大儒與遊匪但義理之空談又謂其沉于州縣也寧忤郡將不肯以早租困饑昨寧棄官去不肯以非義媚貴客寧身與獄吏對不肯使赤子死無辜車玉峯若水亦云克齋石公所謂大人為己之學深造而自得者也所集周易大學中庸解數十卷文集十卷傳學者其中庸集解晦翁刪定為輯畧至今存云

見晦庵文集卷之四伊洛淵源錄錄亦城前後集卷之四伊洛淵源錄

應良齋名恕字仁仲括蒼人淳熙初來居黃巖其門

台學源流 卷之二

一高孫文澤

人趙幾道輩尊之曰良齋先生嘗從晦翁遊翁以隱居老友呼之所與論學凡六書其一論大學中庸其一二皆論禮書其一論易本義且云不意遠達几下尚恨見聞單淺望詳賜誨論勿使有待于後世子雲也雖翁之謙光咸受亦先生素學有足取重于翁者如此杜清獻公嘗云吾鄉同多士而義理之淵源獨

馬詞華典則實自先生始

見晦庵文集卷之四伊洛淵源錄錄亦城前後集卷之四伊洛淵源錄

徐竹溪名大受字季可天台人早歲工于詩劉知過以詩名一見之云自此當卧君百尺樓上矣先生之志固不在詩也晦菴行部聞其賢特訪其處竹溪方

與學者講顏子三月不違仁云卽杜詩所謂一片花
飛滅却春耳晦菴爲之擊節與辨疑義率多合遂定
交焉嘗托以撰述且云願少低筆力使讀者不疑爲
假手乃所望耳家甚貧一夕晦菴至無以款裂箕爲
薪出慈湯麥飯相對甚歡至今故老猶傳其事云又
嘗與趙忠定公汝愚相友善忠定拜相與韓侂胄同
出御筆先生賀啟有云以周公之德自應相成王爲
師然老于之賢詎可與韓非同傳忠定讀之遂力辭
新命其一言爲所信重如此後登淳熙十一年特科
官終監行在草場所著經解文集藏于家邑東南六

台學源流

卷之二

里有竹溪書院及釣臺見鄞邑志等

右三先生皆晦菴朱子所嘗與友者然觀其往
來簡札則其所師資亦既多矣晦菴于克齋特
所推許至以貴太史頌濂溪語因其詩而稱之
然則克齋其尤賢矣乎舊牒謂里人山克齋始
知洛學觀其所作中庸集解多程氏遺言昔程
伯子嘗以喜怒哀樂未發謂之中一語提掇後
進相傳爲門下指訣克齋備述當時問辨之詞
昭示來學百世之下安知不有超然而默會者乎

台學源流卷之二終

裔孫翊垣校字

台學源流卷之三

臨海金賁亨撰

林筠州 林草廬 趙訥齋 趙判府

趙遠菴 杜南湖 杜方山 潘典教

林叔恭 郭正肅 杜貫道 池進士

吳謙齋 趙然道 趙詠道 杜清獻

林筠州名龜字伯和黃巖人初居邑之太平鄉今分
爲太平縣父宣義郎興祥少資行賈有行義生伯和
相長刻意爲學博求師友不得得晦菴欣然願學以
書請教晦菴稱伯和求道懇切而勉以三言以整齊
嚴肅言持敬以先語孟考諸說切已深思言講學以
台學源流 卷之三 一稿孫文輝

充善端去邪志言省察且云異時漸有餘力讀諸書
通世務蓋亦未晚不須過憂失先後之序也乾道八
年舉進士爲奉化簿有中貴人過境上令使攝尉以
雜戲迎之百里外先生笑曰吾性不好戲且畧吾地
無以逞爲也竟不往改定海丞郡令受租輸縱民自
槩量更不得爲奸知候官縣候官俗淳先生靜以撫
之民服教令終日寂寂木陰滿庭無復訟者在位行
其所知果決不回不以聲色徇上官至有怒拍案者
先生從容報答之不能屈欲中以罪訪之民間聞頌
聲而止通判筠州未行以疾卒年四十有九葉水心

誌其墓次子仲謙補廸功郎興隆司戶有文名

見附錄

林草廬名商字叔和伯和之弟嘗與定海沈渙奉化

舒璘為友因言象山陸氏之學走上饒求之意見差

異乃與伯和及趙幾道杜長仲昆弟受業晦翁之門

迷其為學本末以請晦翁謂須平視彼已公聽並觀

兼取衆長以為己善不可遽是此非彼入主而出奴

也又云此心此理隨處操存隨處體察無往而非學

只在日用間常切警省勿令昏惰耳又云道理只就

自己身上體認便自見得及別請一言為終身歸宿

合學源流 卷之三

之地晦翁曰若根本上欠工夫終無歸宿處且如讀

書應事接物固當用工不讀書不應事接物時如何

此須當深思而自得之便是歸宿之地叔和冷然有

省年七十有一而卒業水心誌其墓稱其為學少而

廣問博讀長而探幽索微老而愈勤窮而益信事父

不違其志朋友不倍其言妻子裕如也鄉黨懼如也

後進賴之以波及邑大夫之賢者資之以決疑獄草

謬政鄉人化之尊之曰艸廬先生而表其所居之里

曰景賢

見晦庵文集卷之九

趙訥齋名師淵字幾道宋宗室居黃巖受業晦菴先

生之門以乾道八年進士歷僉書平海軍節度判官

廳公事趙丞相汝愚以從班薦有旨與職事官會趙

相以議去先生遂飄然東歸專力問學積十餘年不

仕既而詔申前命以母老添差通判溫州歷遷太常

丞因忤時宰乞祠主營台州崇道觀以終年六十有

一晦菴嘗稱其所論時學之弊甚善又與論校綱目

凡八書至謂某衰朽殊甚全賴幾道為結裏了却又

欲補稽古錄續大事記云此恐他日并累賢者又與

論讀史法云只以自家義理斷之大槩自漢以來都

是私意其間有偶合處耳只如此看已得大槩范公

合學源流 卷之三

唐鑑亦是此法然稍疎更得精密尤好金華王魯齋

先生相嘗跋晦翁所與訥齋帖稱訥齋登朱子之門

為最先其後遠庵昆弟相繼而進問之以道誼締之

以婚姻往來尺牘其多可知然則訥齋在諸趙中晦

菴所尤注望者與

見晦庵文集卷之九

趙判府名師淵字恭父居臨海從晦翁先生遊最見

器重嘗以書質所疑晦翁稱其用意之精且云觀所

論條目甚詳皆學者通患顧非親曾用力不能知耳

晦翁嘗問別後讀書如何對云忽見得已私難勝耳

口不須苦與爲敵但覺此心隨物而去卽與喚回却無事矣晦翁嘗與呂子約書言台州有一師鄭在此儘知用力不易得也與孫敬甫云天台朋友有趙師鄭主簿者尤佳又嘗論黨籍事謂恭父竟入其事部中欲脫之恭父不願也其卓然難得如此紹熙元年以宗室科進士歷官鄞縣簿終嘉興府判官

見晦菴集語

趙遠菴名師夏字致道居黃巖紹熙元年宗室科進士歷大理司直知南康興國軍終朝奉大夫與兄幾道登晦菴之門悉得奧旨嘗以循天理任智力論曾

台學源流

卷之三

四庫全書

點子路言志以心性精辨儒釋及論荀卿性惡禮僞其失出于一皆爲晦菴所許與又嘗著春秋傳作議幾善惡圖以誠居中而爲本善幾居誠之下而正發惡幾旁列而斜生云此明周子之意又以二幾相對列誠之下云此證胡氏之失而爲說以附其後晦菴見而避之又嘗跋延平答問以爲延平先生之學得之豫章先生豫章得之龜山先生龜山伊洛高弟也李先生不特以所傳授者爲學其心造之妙蓋有先儒所未言者此編與行述共紀如者觀之當見之矣始我文公先生以父執事延平而已至于論學蓋未

之契而文公每誦其所聞延平亦莫之許也文公領簿同安反覆延平之言若有所得者于是盡棄其所學而師事焉則此編所錄蓋同安既歸之後也文公嘗謂師夏曰余之始學亦務爲健伺空濶之言好同而惡異喜大而恥小於延平之言則以爲何爲多事若是天下之理一而已心疑不服同安官餘以延平之言反覆思之始知其不我欺矣蓋延平之言曰吾儒之學所以異于異端者理一分殊也理不患其不一所難者分殊耳此其要也今文公先生之言行布滿天下光明俊偉毫釐必辨而有以會其同曲折致

台學源流

卷之三

五言詩

詳而有以全其大所謂致廣大而盡精微極高明而道中庸本末備舉綱大不遺而及門之士亦各隨其分量有所依歸而篤守循叙而漸進無虛蹈空之失者實延平先生一言之緒也金華王魯齋嘗謂誦理一分殊之跋得龜山以來一派宗旨其的未嘗不注仰也

見晦菴集語

杜南湖名熒字良仲黃巖人嘉定元年進士官終東陽縣簿初與弟仁仲學于克齊石先生克齋以致于紫陽朱夫子於是師事紫陽者十餘年紫陽嘗謂其論數字工夫甚善論氣稟有偏而理之統體未嘗有

異亦為得之車玉峯稱其所受于紫陽則最初告以反躬力索卒之去冗長歸專一當其潛玩既深見此敬不獨在靜至下自謂向來彼此相梗今皆融會合一如親涉深山與山下瞻望不同則自一語之破冗長掃卻而學成矣又稱其為文于義理之體解聖凡之闕墮一窮扣以歸其安至其所以告人者則亦如已之有望於人毫分纖析而傾倒殫盡也其從孫則卿哀集成書名之曰南湖先生文集玉峯為之序

見晦庵文集郡志赤城後集

杜方山名知仁字仁仲南湖之弟少有俊才為舉子

台學源流 卷之三

七高條文

文操筆即驚人已而曰是不足以為能乃刻意于詩雕鎔鍛鍊不奇不已可以肩隨古人矣則又口足不足以為學于是即六經語孟之言考論一時諸老先生風旨至武夷之書則拱而曰道其在是窮理求仁吾知所止矣偕其伯氏反覆論說于朋友間一言一字必明辨乃已至其通洽則凡人事之當然與陰陽造化之所以然無不究悉其切問近思反躬克己之意又每見許于師門方其壯年試于鄉不利遂絕意榮慕足迹不至城邑鄉大夫欲識之者有往謝無往見人有結駟而至則辭以疾望劍佩之顯昂則

避而讓道于焦降色言于寡弱施均敵之禮于後生自號曰方山友民示已志也所著詩文十五卷訂讀易說詩多所論述未及哀次而沒年六十有一趙遠菴志其墓

見晦庵文集郡志赤城前集

潘典教名時舉字子善臨海人從晦菴遊有問必記其辨析六經疑義及問學大端闡解四書多為師門所稱許嘗問知者樂水仁者樂山晦菴云且以樂水言之水到隈深處時如何到峻處時如何到淺處時如何到曲折處時如何地有不同而水隨之以為態度必至于達而後已此可見知者之處事處仁者樂

台學源流 卷之三

七高條文

山亦以此推之子善有省平居喜靜坐晦庵云專務靜坐又恐墮落那一邊去只是虛看此心隨動隨靜無時無處不致其戒謹恐懼之力則自然主宰分明義理昭著矣然若箇戒謹恐懼四字已是壓得重了要之只是畧提提撕令自省覺便是工夫也又嘗舉知行互相發明之說晦翁云此心虛明萬理具足外面理會得者即是裏面本來有底只要自大本推之達道耳先生服膺斯語造詣日深故其論求放心有云日來覺得此理真無內外內外有進步不合道理便覺此心歉然觀于此言不特踐履之密可謂有

于合一之學者矣嘉定十五年以上舍釋褐終無爲官

授見晦菴文集語類都邑志

林叔恭名恪叔恭其志也臨海人初從晦菴遊晦菴云爲

學只要致誠耐久無有不得不須便生較計思前算後也

又云曾見郭叔雲問爲學否某告之曰爲學切須收斂端

嚴就自家身上做工夫自然有得于是每聞晦菴語必

記錄于冊以自省其所錄如論爲學如煉丹先將烈火煉

一餉方好用微火養成如論終食不違仁須先以不處不

去立脚如論求放心不特是作只昏惰便是放如論集義

是無一事不求箇是如論孔顏樂處孔子都忘了身只是

合學源流 卷之三

一箇道理顏子猶照管在又記晦菴自言所用力處甚約

日夜只就一兩句上用意玩味胸中自是灑落凡此皆進

修真切得力語晦菴之所以教與先生之所以學蓋莫要

于此云見晦菴文集語類都邑志

郭正肅名希卿字子奇號兌齋僊居人瓊莞安撫晞宗第

五子也嘗遊文公之門嘉定七年舉進士端平初拜右正

言字權右史彈劾權幸無所避時鄧人余天錫理宗懷其

定策恩旋擢至執政朝論不與先生上疏云臣聞鳴鶴

八林鳳凰遠去豺狼當道騷騷自藏不仁者而在高位

則抱道快德之士莫敢近矣陛下欲聚羣賢以興至治

而股肱喉舌之任乃使雄邪踞跡其間是却行而求

前也章三上天錫竟罷去史嵩之三世相位怙權不

法先生疏已具俟召對奏之而爲嵩之耳目所得亟

除起居郎不得言徑出國門求去嵩之以書畱行且

白帝遣中使宣押入國門先生進退兩難鬱鬱不得

志鳴咽而卒時與杜成之徐元杰諸賢號端平六君

子天下方想聞其風采而皆相繼以沒帝亦念之不

已特謚正肅爲立正諫坊以旌之朱白雲有作文獻

書院記稱先生與趙幾道二杜同師晦菴謝文肅公

鐸亦云我台之學考亭是宗孰見而知曰正肅公惜

台學源流 卷之三

乎當時授受之詳無所干稽所著有兌齋集見傳志

錄台學錄節要未城論議

杜賀道黃巖人嘗從朱文公遊文公稱其所陳諸說

皆善但不已其功夫之見處漸分顯也又稱其所論

讀書課程甚善且云思慮不可過苦只虛心游意時

時玩索久久自見縫罅意味特守亦不必着意安排

但亦只且如此從容纔覺散漫即便提撕卽自常在

此次又云仁里諸賢多相和處但賢者與長伸仁仲

未得一見耳或能相與一來乃幸見晦菴文集

池進士名從周字子文黃巖人嘉定七年特科嘗遊

晦菴先生入門屢以書請益晦菴稱其嗜學而勉以
充拓之功云讀論語大學亦是初學門戶向前更有
許多工夫豈可使慮其難又曰觀賢者之意似只欲
以兀然自守爲是故所論每每如此顧少恢廓之不
然終不免于昏陋狹隘而無所發明也見晦庵文集
吳謙齋名梅卿字清叔僊居人嘉定十七年特科仕
至忠州文學嘗因果齋李方子獲登朱子之門講授
甚盛所著有經說語錄見建寧後序
趙然道名師雍宋宗室居黃巖淳熙十四年進士官
終朝議大夫直寶章閣嘗問道于晦菴象山二先生

台學源流

卷之三

十齋孫文章

象山四書書其畧云聖狂之相去遠矣而固念克克
之端頃刻而分人心之危豈不其可畏哉今然道方
恥利欲之習知異端之非願益致擴充之功則吾道
幸甚又云若善利之問嘗知決擇大端已明大志已
立而日用踐履未能常于清明剛健一有緩懈舊習
乘之念慮之間陰流密陷不自覺益積益深或遇
箴藥勝心持之反加文飾因不能以自還者有矣甚
可畏也況其大端未嘗實明大志未嘗實立有外強
中乾之證而無心廣體胖之樂可不深致其思以省
其過求其實乎晦菴一書有道聽塗說之戒有千金

敝帚之喻蓋當二先生議論未同時也見朱陸文集
趙詠道名師咸然道之弟同受教于晦菴象山兩先
生象山語之口爲學有講明有踐履大學格物致知
中庸博學審問慎思明辨孟子始條理皆智之事此
講明也大學正心修身中庸篤行之孟子終條理者
聖之事此踐履也講明有所未至則雖才質之卓異
踐行之純篤如尹之任夷之清惠之和不思不勉從
容自然可以謂之聖矣而孟子顧有所不願學拘儒
替生又安可以其誣經之必爲而倣知學之士哉然
必一意實學不事空言然後可以謂之講明若謂口

台學源流

卷之三

十齋孫文章

耳之學爲講明則又非聖人之徒矣晦菴則云天下
有正理唯博學審問慎思明辨不先自主于一偏之
說而虛心以索衆理之是非乃可以自得于一定之
說而無疑若得一先入之言曖曖昧昧自以爲足便
謂天下之美無易于此則不唯不足以得天下之正
理亦居于陋而已矣先生登開禧元年進士官終金
書鎮江軍節度判官廳公事見全前
杜清獻名範字成之一云儀夫號立齋黃巖人南湖
方山二先生族孫也生有令質讀書必精心玩味取
聖賢格言大訓實見諸躬行自謂嘗聞韓仲和得寶